

Пісня Бачваня

Музика: Яким Сивч
Слова: Гавриїл Костельник
Обробка: Юліян Рамач

Єст дзешкаль морйо широке
як кед би було през краю,
а по нїм ладї зоз людзми
през дзень и през ноц плїваю.

Приштив:

Ширцом по морю, ширцом по морю,
ширцом по морю плїваю.

А за тим морйом широким,
там дзешкаль єст Америка –
велька, богата, пенєжна,
а при фабрики фабрика.

Приштив:

Чарна висока, чарна висока,
чарна висока фабрика.

Нет за мнє швета, як Бачка!
По єй широкей ровніни
на красних коньох ше вожим,
и вшадзи стретам родзини.

Приштив:

Гоч кадзи скруцим, гоч кадзи скруцим,
гоч кадзи скруцим – родзини!

Знам хто ту бива у хижох,
и хто у гробох спочива –
жем ме ту трима и небо!
Кажда ше грудка озива.

Приштив:

Гу мнє як мац ше, гу мнє як мац ше,
гу мнє як мац ше озива.

Бачко, кед влєце зародзиш,
та кед попатрим я на це,
шерцо ми трепа з радосци,
як твоей клаше суцаце.

Приштив:

Клаше богате, клаше богате,
клаше богате, суцаце!